



07187

金鼓洞志卷三

仁和朱文藻刻齋纂輯

住山張復純健脩募刊

山水下

棲霞嶺巔自南而北大道直下與東西大道合東來自武林門西出青芝塢其諸名勝若峯洞泉石之類皆列道之東西茲先錄道西及道東皆自上而下以次爲敘不以類分而一二古蹟亦附載之覽者得以彙考焉

棲霞嶺一名劒門嶺

金鼓洞志卷三

一

大清一統志在西湖上一名劒門嶺舊多桃樹花開時爛然如霞故名

咸淳臨安志棲霞嶺又名劒門關

玉牒初草嘉定中詔臨安府北山劒門嶺毋得伐石以張齊賢論恐洩山川之氣故也

名勝志在葛嶺西嶺上桃花色絢如霞

按西湖志稱履泰山卽棲霞嶺此語誤也西湖游覽志謂葛嶺之西爲履泰山有此名實無山也西湖志謂或因下有履泰將軍廟故說載耳假如有之亦當在嶺之南面茲不取

西湖游覽志棲霞嶺北有古劒關宋立巡司於此左寶雲右仙姑兩山夾峙若劒門然

按寶雲仙姑二山皆在葛嶺迤西則此亦指棲霞嶺之南而非嶺北也若劒關則在牛皋墓下自屬嶺北嶺巔左右山勢本皆夾峙宋時設關置司所以禦險非因寶雲仙姑二山阜之若劒門也游覽志語似不甚確

湖山便覽棲霞嶺在葛嶺西舊多桃花燦如凝霞元人或呼爲赤岸嶺

棲霞嶺賦咏

金鼓洞志卷三

二

西湖賦 節錄

柴紹炳

其西則泰岩迢迢霞嶺猗儺桃溪溪嶢齒劒閣嵯峨紫雲蕭索烏石婆娑黃龍谿衍金鼓陂陀厯皋墳而偃蹇撫鄂基以坎坷

按泰岩謂履泰山霞嶺謂棲霞嶺桃溪在嶺南出岳墳入湖劒閣謂劒關紫雲黃龍金鼓皆洞名烏石峯名皋墳謂牛皋墓鄂墓謂岳墳此段蓋合棲霞嶺南北面敘之

西湖賦 節錄

李衛

烏石棲霞宛玉鉤之拱互三台九曜若金鎖之

雙關

按三台九曜並屬西湖之南山取其對偶貼連類及之

棲霞道中詩

釋紹嵩

路僻閒行遠溪將罨畫通飛泉高瀉月細柳亂搖風猷猷孤城外山川暮靄中曠然忘所在心與白雲空

按杭州府志棲霞嶺條下載此詩詳玩飛泉瀉月猷猷孤城語意頗不類錢塘西湖之棲霞嶺姑附存以備考

金鼓洞志卷三

三

度棲霞嶺詩

張丹祖望

過嶺憩白沙鳥道青峯削飛岩勢欲崩盤木根如攫白石何嶙峋倚杖行復卻耳聽水潺湲清泉泝絕壑徑僻老藤蔓山深閒鳥雀蘿磴路紆迴竹澗溜磅礴幽隱與世絕冥搜氣蕭索亭午有日色扶柯蔽其郭已遇翠嶂傾復觸白雲作長往不知倦古洞夕陽落

初度沈適聲門人張星耀同過詩

海棠朵朵綯秋沙丹桂青槐夾徑花老又六旬逢降日醉爲二子過貧家嫦娥江畔親鳩杖魑

魅山中喜鹿車疎懶幸留吾輩在吟成只合對
棲霞

獨出湖上至棲霞嶺詩

許田

莘野

薄寒初中意蕭騷出郭孤行興轉高日射丹峯
山著色霜催衰柳頰添毫泛湖客少閒游楫上
塚人多醉市醪纔向棲霞嶺頭立生憎夕照映
青袍

棲霞嶺詩

施學韓

石泉

山游不計程恃我一雙屐出郭路無多黛影已
招客遠聞丁丁聲誤入樵徑僻豈知叢薄中僧

金鼓洞志卷三

四

雖此焉宅導我由林莽滿眼皆活碧踏遍蒼崖
巔白雲亂行跡

泊舟西泠橋步入棲霞嶺詩

高文照

閩中

青山久招要幽討阻孤往枯筇勝侶俱登岸頓
心爽初塗稍坦夷仄徑漸塘嶸榛荒目屢顧峯
陡面恆仰扶欄足小駐遠近景羅掌湖光蕩日
圓雙眸豁虛朗雲來苔磴濕泉吐松根響暢此
塵外踪遽作天際想翦茅定何年忙辦芒鞋兩
棲霞嶺詩

吳錫麒

七十二蘭若安禪在此峯經聲多隔竹雲意不

離松踏葉去無跡聽樵行未逢名山解留客嵐
翠鎖重重

秋日由棲霞嶺尋紫雲洞白沙泉及金鼓黃龍
諸靜室

吳

鵬

雄飛

名山如良朋別久仍眷戀策杖一相尋涉趣忘
路遠紆迴登絕嶺窅窻轉幽澗返照入空山林
巒耀餘絢卽景能娛人客懷一爲遣
已登烏石峯還尋紫雲洞僧樓石作梯佛閣雲
生棟側身探岩竇昏黑令人恐獨客難久留寒
氣逼衣重出門一長嘯回頭忽如夢

金鼓洞志卷三

五

空山落葉深陟徑屢迷誤步步踏泉聲卻與白
雲遇雲從泉底生泉向雲中去我欲追白雲泉
流不知處

天風吹寥寥一塢山花墮欲清塵外心遂來池
上坐雨餘松徑寒時間落山果坐久淡無言渾
忘物與我
上山更下山細路緣木杪路盡見精廬雙扉掩
叢篠道人晚不歸落葉無人掃欲去重徘徊林
端見歸鳥

精舍七十二都在棲霞頂平坡折而上一步一
到嶺黃葉下西風片片踏秋影

釋禪一

曾與仙人約扶筇過嶺來時維秋九月落葉滿
蒼苔

象鼻峯

在棲霞嶺迤西

靈芝峯

在象鼻峯之東二峯俱以形似得名皆不見於
志乘

金鼓洞志卷三

六

烏石峯

在靈芝峯之東嶺巔大道之西

錢塘縣志在紫雲洞上石色如墨故名

烏石峯旁爲烏石塢西湖游覽志棲霞嶺西爲
烏石塢

按烏石塢僅見西湖游覽志今無人稱之者
因附烏石峯以存之不復析出

烏石峯又名悟石峯武林梵志閻頭陀盛暑曝
背峯上改名悟石

按錢塘有兩烏石峯一在棲霞嶺西一見靈

隱寺志云烏石峯亦名形勝山在北高峯西
上有烏石此武林梵志所載閣頭陀事湖山
便覽載入棲霞條下今姑從之不能確定其
果在棲霞也

又按杭州府志載明末蕭山萍道人結宇峯
前名曰巖艇有古松十一僧恬安輯閣康熙
初茅兆儒洪昇吳陳炎等有十一松巔閣倡
和詩一卷行世今考其址卽烏石山房恬安
一名恬菴又號近溪又有僧亦諳亦居其中
皆有詩名凡康熙雍正閒諸名家詩集與二

金鼓洞志卷三

七

僧倡和極多然其菴由岳墳取徑而上在棲
霞嶺之南面例不應收故不具錄附識於此

登烏石峯詩

景星杓 菊公

凌雲黟石削孤峯南渡猶餘倒壑松那爲尋秋
頻著屐自因叩法獨聞鐘溪聲吼處疑聞虎山
色飛來總是龍欲借庵前千尺墨摩崖飽落兔
毫濃

烏石峯長眺贈沈菊區詩

嚴果

天工產石如元玉不數黃山三十六岳王祠下
雜鳴泉蘇小墳前悲落木山頭日冷風淒淒湖

水東連湖水西長堤昔日徧歌舞多少衣冠葬
塵土我來卻值九月中登山快健嗤羆熊探幽
不用支短筇況有同心江上翁君不見東岳岱
中岳嵩千秋萬秋傷英雄人生但得有名死寶
劒寒芒今已矣

題烏石峯詩

吳龍光

蕙榜

古寺結峯頂諸峯如掌平我來追煩暑彈指開
禪荆入門兩岩竹西望清光瑩孤崖連峭壁倒
壑削臨前檻苔深墨色斑細乳泉冷冷瘦藤盤怪
石環結互相并白雲操隱晦黯澹無雨晴水石

金鼓洞志卷三

八

有真趣留連忘歸情出山未下山晚寺鐘聲鳴
棲霞洞

咸清臨安志在棲霞嶺巔妙智菴側其地向多
岩石蔽翳榛莽中賈魏公來游望而異之命施
畚鍤倏見奇狀抉藏剔幽千態溢發遂於洞外
爲二亭曰暢亭曰淪俗亭

萬厯杭州府志洞中穹然如厦屋雙巨石相倚
爲閭閻每風從南來飡飴而出輒淒神寒骨故
暑游最勝其石甃小方臺突然坎窞中衡從二
石級下達於坻厥土剛燥仰視左竇四五豁然

通明大者圓徑可丈許嘉木當前如月中桂小者星列自相附屬出洞略西北行百餘步有水洞循而下可十餘丈受水一泓深不可測味極甘冽

按此所稱水洞不知在何處嶺北諸洞惟紫雲洞深入有泉方三尺金鼓洞則泉在洞外別爲一洞不必循而下者至無門洞無水黃龍洞水與洞平且俱在洞之東北蝙蝠洞無水亦不必循而下此外別無洞矣萬厯府志所謂水洞卽指紫雲洞深入之泉耶識以俟

考

金鼓洞志卷三

九

又按今洞口全塞供送子觀音石刻像以當之西湖游覽志云頃者惡僧以遊人之多塞兌垢徑餘丈尺耳据此則洞口之塞自嘉靖間已然矣萬厯府志之語尙是未塞以前之舊文也

又按宋白珽西湖賦云烟霞乾濕二洞每剏岩而嵌谷注云乾濕二洞在棲霞嶺然則乾洞似指棲霞洞濕洞似卽指水洞也然上云烟霞則又似指南山之烟霞嶺或棲霞字訛

歟皆當俟考

傲暑棲霞洞詩

李彥弼

嵌竇棲霞歎虛轉杓左驂鸞翼右耳鳳簫爽排
酣烈境邈氛囂靜者多妙於焉悄搖

棲霞洞詩

吳太冲

棲霞石骨真幽絕坐久鮮風吹客衣紅雨似潮
聽不厭青泥如髓見曾稀劈崖古樹垂垂發深
洞仙禽肅肅飛我愛雲蘿一片月夜長爭弄月
華歸

棲霞洞乘月看梅忽雨至詩

集蘇

郎璧金

躬府

金鼓洞志卷三

十

坐令魯叟作瞿曇

二樂

來與彌陀共一龕絕月

黑林閒逢綽袂

次楊奉議

半岩花雨落氍毹

過嶺之二

棲霞洞詩

岳

振嘯雯

洞自山巔啟霞從嶺上棲暗泉穿石遠圓影逗
天低石敞雙門豁龍盤一逕迷閒來思結友不
復數寒溪

紫雲洞

成化杭州府志在棲霞嶺上其地多石其土剛
燥日剝月鑿倚空如懸

萬厓杭州府志烏石峯在瑪瑙山後下有石洞

高二丈餘卽紫雲洞也

名勝志棲霞嶺有紫雲洞峭聳懸空陰涼徹骨
湖山便覽紫雲洞去妙智菴數百步從洞口下
級二十餘磴然若堂內外明朗空中有石樓倒
垂上設峻檻儼如索懸有梯可升內供石觀音
像座鐫紫雲洞天四大字洞底望石樓上行者
左右盤旋如元夕看走馬燈中人旁有深穴直
下無底窺之暗黑昔有虎誤落其中震撼數日
乃已沿壁以入又得一洞亦復敞豁當天忽裂
大如掌日光下射壁間藤樹森瘦寒攫皆從裂
處上刺其右削壁半覆半倚低至壁根有泉方
可三尺水極清澈此洞爲五洞中之最奇者明
季方九敘童漢臣等結紫雲詩社於此李流芳
作紫雲洞圖并自爲跋

金鼓洞志卷三

上

西湖八社詩帖西湖八社友江西憲副童漢臣

字仲良號南衡錢塘人

餘友

不錄一社地紫雲詩社

靈峯寺玉泉寺寶叔塔無門洞佛會寺雷院初

餘地

不錄一社約凡往南

陽臺諸勝屬焉南衡主之

餘地

不錄一社約凡往南

山俱湧金城外候齊北山昭慶寺候齊或買舟
或肩輿各隨便只一僕相隨遲到者有罰凡每

會輪一人主之肉食之豆三蔬食之豆三果餌
隨設無定品酒數行能飲者聽之會閒清談除
山水道藝外如有語及塵俗事者浮一大白凡
詩命題止卽景物不取遠拈各集眾思要在古
雅爲貴南衡山人童漢臣記

按西湖八社今祇錄紫雲一社附繫於此餘
不備錄其社約則八社所同而備錄之者蓋
欲見當時風雅之遺也八社舉於萬厯年間
其時社地冠以紫雲則紫雲洞爲最著矣次
社地所屬及無門洞則無門洞亦著焉而其
餘皆不之及可知其時皆未顯也

金鼓洞志卷三

三

紫雲洞逕路不甚峻險而洞門寬敞佛殿完整
乾隆十六年二十二年二十七年三十年四十
五年恭遇

高宗純皇帝南巡駐蹕

賜題詩額

恭載
卷首

御書恭摹勒石或穹碑或片碣或摩崖供奉洞中

紫雲洞詩

明沈周啟南

天地不祕寶芙蓉肇空青借問此何居仙人敞
雲扃翩然招玉童導我探窅冥高歌振逸響側

足履落星下有古靈泉天光汎清冷酌之可不
死閱世齊冥靈

莊起元

石室何寥廓蜿蜒信地靈洩雲終古白艷草自
然青軒帝藏神鼎淮王貯道經翛然來物外思
鍊羽人形

陸 塔

鷺山分沓嶂古洞繞烟霞隙地窺天小岩前倚
樹斜潤毫承石溜拂紙落松花倘復迷歸路桃
園卽是家

金鼓洞志卷三

三

斷嶺峯仍合懸崖地欲傾蒼苔迷白石廢圃馴
黃精日就空岩墮風從狹澗鳴忽聞山磬發靜
坐悟無生

曹 溶 倦圃

風日交陰處盤空石勢來雲車埋古磴乳竇滴
香臺仄引千峯入高臨萬壑開相期同結夏何
處有塵埃

張綱孫

古洞低身入探幽跡不凡地風從穴起石閣倒
雲銜對息盤蛇徑高題踞虎岩莓苔多水氣空

翠濕衣衫

紫雲洞詞

調青玉案

吳

綺園次

遙看鳥道渾無路但一澗沿花去瀾盡忽逢雲
宿處藤蘿日月莓苔今古撐得媧天住 陰陰
石磴鳴仙鼠百尺虬龍向人舞足下分明聞客
語沾衣空翠濛濛烟霧忽作山中雨

紫雲洞歌

王士祿

西樵

鋸鋸割雲鬼夜哭墜向空山結靈屋紫光暉睡
蒸神砂覆釜鎗舒壓坤軸倒懸兩笏支崩騫互
啟雙門納光煜我來正當赤馭翔踏蘚荆苔失

金鼓洞志卷三

十四

炎煥颯沓居然靈異棲幽深恐有蛟龍伏垂垂
玉乳金壺傾神灑天漿恣滲漉飯泥定可敵商
芝黃石何須燃楚竹公和自昔愛幽棲叔夜由
來少仙福振衣迴策縈心魂長嘯道然響林木
遊紫雲洞詩

王

銘

新侯

百折清溪萬疊山谿山都在臥游閒黃頭維舫
依沙岸白足焚香候竹關踞石酌泉分野席躡
雲穿洞訝仙班買田陽羨非難事卻笑坡翁老
未閒

戴廷煒

陰洞鑿何年盤曲疊層巘山色暮烟凝探奇肅
秋晚徐穿洞外天披豁睇平遠

張暘

嵌空太虛室佛髻蒼苔寒捫蘿下復上窺險穿
林巒何必方丈山紫雲繞仙壇

許震元

境靜雲有聲山古石如絢凌空入層岩穿越周
厯徧出洞別有天風景一時變

紫雲洞在棲霞嶺上烏石峯側世傳郭璞修煉

於此

孫宏衛郊

金鼓洞志卷三

五

山脈西從天竺分鬱葱佳氣望欣欣峯頭一隙
通青漢洞口千堆列紫雲仙去不教藏虎豹地
幽早自斷塵氛登臨卻憶當年健日與詩僧話

夕曛

余嘗與烏石峯
恬菴僧倡和

游紫雲洞和壁閒韻

欲尋仙侶入烟霞洞豁雲疎別有家泉落白沙
流石乳峯懸烏石湧蓮花陰岩竒窅通還塞碧
嶂參差露復遮坐久清風生臆下無塵臺畔一
杯茶

游紫雲洞次徐立人韻

王雲廷文山

山色青蔥雨乍晴探奇試其躡崢嶸樹欹絕壁
空餘跡鳥嚙巉崖不記名石氣拂衣丹竈冷澗
聲落戶月池清薩公遺句依然在底處遲迴欲
緩行

蘇舍開為我王出重八土蘇蔣蔣薰 丹崖

一徑通荒嶺岩巖天外行草枯留虎蹟石亂得
泉聲雲氣晴猶濕樵歌雜更清偶然逢野衲高
坐論無生

偕張蓉裳金繪友莊渭璜弟鱗先訪亦諸恬菴

二上人歷紫雲洞白沙泉烏石峯諸勝次渭

金鼓洞志卷三

十六

璜韻

汪振甲

平生愛山癖風月恣吟弄褰裳問遠公來憩紫
雲洞洞中別有天峭崿自橫縱盤紆萃奇趣山
靈若爲貢始入已忘憂冷然冷風送坐久微聞
蟬不知羣息動層冰詎須踏此地冽如凍峯轉
精舍開飲我玉池通几上積新詩揮毫吐白鳳
攀蘿探泉穴溽暑失飛鞚歸來竹林下落日催
晚飄古墓牛將軍歛歔念南宋烏石更小駐蓮
槎足余誦謬謬十一松至今頻入夢同游盡素
交豁達天機空秋高景澄澈莊子約過從勿慮

足力煩應爲濟勝用

游紫雲洞詩

柳溥德洋

古洞繞寒色陰森六月涼孤雲盤石磴一罅出
天光想像神仙窟依稀島嶼旁回頭人境外誰
是白雲鄉

盛夏探紫雲洞效康樂體詩

張錢溥

白湖

鬱林曜朱光結覽觸炎暑紆迴得古洞陰翳暖
幽戶石罅長山菌雲竇滴鍾乳披棘入深突寒
氣倏吞吐憩足欣逃煩長歌發激楚天風盪紫
雲瞬息千峯雨

金鼓洞志卷三

十七

登棲霞嶺探紫雲黃龍二洞詩

俞葆寅

蒼石

嶺路翠迢遙靈境互開闢涼秋引興來踏葉響
幽屐竹密藏板扉林疎見山脊宛轉探紫雲空
岩啟窟宅崿豁石樓青陰窅天罅白苔髮縈佛
龕坎窞攝心魄搜奇力倍勇入險意彌適引脰
望崇岡奮身少健翮捫蘿彳亍行曲徑盤蛇窄
升高復就坦無門在咫尺飛瀑垂乳珠瘦藤絡
崩石廊紆梵磬幽殿迴雲牕隔傳昔慧開師生
欠形體碩不厭墮輪迴先期荆標格至今丈六
身神光照几席我來拂塵襟一一窮遺蹟途長

勝景招境過餘情積回盼夕陽西澹湖澹空碧
逝將小結茆永遂烟霞癖

施學韓

沿緣過山曲紫雲飛幽洞上有修竹林枝頭挂
么鳳客佛笑鄉人穩結蒲團夢傳聞啞虎來緇
流力能控山有虎患曾斃於僧徒之手至今指爪留焚修集
僧眾我無香火緣轉覺懷抱空

石鈞遠梅

已弔向南枝更上棲霞嶺花宮構層岩幽尋得
異境古洞削蒼崖滿壁石體冷坤軸裂無垠一

金鼓洞志卷三

六

線落深井昔傳裹糧入十日燭還秉萬里通岷
峩江聲在人頂我聞神恂悅林屋同斯景欲問
造化奇獨向空王請

魏成憲

天然大斧劈清寒山骨瘦空翠沾人衣深入霄
光漏造物無盡藏奇觀匹靈鷲九夏約重游呼
衣當暑晝

郭磨

春雲媚幽岩一綠濃眾樹近游無遠心微徑得
佳趣杉松亂蒼翠樵牧自來去偶因所歷高不

覺入深處石路滑無泥磴級劣容步流泉時縱
橫往往濕芒屨深洞呀然開紫雲滃焉護誰施
巨靈掌挾此地肺露山僧具茗飲石銚傍牕戶
一樹海紅花風來落無數

由棲霞嶺尋紫雲洞小憩

潘眉

曲徑積翠重涼意已在想層巒赤日高賈勇試
一往路轉得琳宮入戶屏北垵中藏太古寒陰
罍闔蒼莽垂足立逡巡俯首增愴怛扶欄下層
梯石氣濕我掌汗膚生細粟咳吐墮空響有牖
昧西東如屋無柱榦暫坐聊脫屣久倚欲披簑
山僧引手招開閣卷簾幌門外正紅塵那不戀
蕭爽渴飲山中泉飢食山中橡

金鼓洞志卷三

尤

查初探

梅史

棲霞背明湖紫雲祕幽邃觸熱尋梵音憑軒飫
清吹山勢如飛端簷頭森焉墜積鐵不可拔盤
空插靈巖陡壁截鋒鏑虛堂敞深隧橫跨老龍
脊倒挂飛鳥背峯形併下懸石根森上刺百怪
破扉入陰雷爭門出縈紆螺殼中鍾乳觸額碎
藤梢墮白蝠岩隙棲蟬蛻涼生沁肌骨綃衣染
寒翠悠悠出塵想從茲勞夢寐

盛夏同俞用之汪鷺飛晉康納涼紫雲洞詩

張椿年

夏日盍朋簪避暑覓深杳襍蘂三數人披衣出
城早循堤轉深林縱步任幽討古樹經日炙葉
悴受風掃入洞聞龍吟梵音消熱惱山僧如故
人茗椀送來好石磴潤且清絕壁常勿槁長此
岩壑居養身定不老

蝙蝠洞

湖山便覽古劒關在棲霞嶺巔西側下嶺處有
洞名蝙蝠洞

金鼓洞志卷三

三

按蝙蝠洞在棲霞嶺北大路之西洞亦深邃
洞外無屋宇人近洞口則蝙蝠拍拍拂人眉
宇夜明砂遍地穢不可當故游人過輒見之
而不一探也諸家志乘皆不載此洞惟附見
湖山便覽有此名近人始有吟咏及之者
又按自此已上諸勝皆在大路之西已下諸
勝則皆在大路之東

蝙蝠洞詩

郭一麀

茲山信多奇岩洞相鉤連得無混沌死一夕七
竅穿精靈入山骨肺腑皆完堅如雅白蝙蝠生

長開闢先神仙幻唐代甲子推堯年至今長子
孫一一皆倒懸谿訝護深黑沮如藏蛻螻惜無
列炬火照出光音天一穴漏春雨小滴猶涓涓
頽景忽返射出穴心懣然

趙晉

兩崖駕秋空中擘一幽窟掣亂蝙蝠飛黃昏挂
蘿月驚醒道人夢錯認黑蝴蝶

初陽臺

在棲霞嶺巔之東與烏石峯東西並聳中卽嶺
路也雖有臺名而實卽山巔平曠可眺遠者以

金鼓洞志卷三

三

稱之非有亭臺之屬構其上與金鼓洞之有鍊
魔臺同側登臺之路多由南面葛嶺涵青道院
而上其在嶺北則由范家菴佛堂後盤旋而上
諸家志乘語多詳葛嶺上者今皆不取每歲十
月朔旦見日月並升詭觀也凡題咏中有及日
月並升者兼採之

初陽臺詩

張雨

初陽臺上新亭好一曲笙簫石壁開驚起元真
狂道士步虛飛下玉清臺

任士林

人生塵埃中白日送昏曉不上初陽臺百年空
自老神光散瑤天寶氣橫碧草想當丹成時
飈車謁黃道丁公骨已寒壬女迹亦掃獨有山下
泉清甘散羣槁秋風灑銅盤夜月照吳沼陂行
不歸來浩歌林影悄

楊載

丹臺欲上路盤盤秋月圓時正好觀已作高亭
臨岸寧豈辭深夜倚闌干雲封大壑蛟龍睡露
下蒼林翡翠寒下顧塵寰多迫隘置身何止在
雲端

金鼓洞志卷三

三

玉清宮初陽臺詩

徐集孫

守藥胎仙去不來空留山頂煉丹臺明眸炯炯
初陽在知隔人閒幾劫灰

中秋玩月初陽臺有約不往夜分有作明日寄
同約諸公詩

吾

衍子行

今夜仙臺月高寒發夜深遲回阻雲物悵望憶
登臨玉管閒清吹銀河耿太陰無才愧元度聊
爲續長吟

眺初陽臺從妙智菴北探紫雲洞詩

人生塵埃中白日送昏曉不上初陽臺百年空

黃省曾

登登俛陽臺曖曖觀羲燭停爾絕仞巔娛我芳
春日蓬溪覓宛轉皎鏡眺迴復抗策凌烟虹披
夢扣肩谷岩梅皜冬素山篁圍故綠敞牕迎遠
心緬閣寄孤躡璫瓏投廓洞峭嶠下空曲法館
展虛綴逖覽皆妙屬詩懷仁茲開賞心於此足
崱嶭宜考槃期當寓清築

題張伯雨初陽臺倡和卷

釋守仁

笙管聲沈彩鳳飛朝陽出海散晴暉一時文物
推延祐五夜丹光起太微歲月無情詩卷在江
山如故昔人非祇應湖上梅花月照見荒臺獨

金鼓洞志卷三

三

鶴歸

董嗣杲

寶山山頂結芙蓉方士凌虛幾御風日月光華
含吐異雲萍踪跡往來空石盤草子粘深碧土
級苔花剝碎紅臺側又將精舍展蓬瀛有路直
能通

同柯帝夔龔肖夫載夫登初陽臺詩

周

昱

青原

高臺曾說寄仙踪一片荒烟落照中此地已無
丹竈跡到山應有白雲通岩花幽冷期瑤草海

氣迷濛見冥鴻爲憶刀圭勾漏令不留人世笑

雞蟲

白沙泉

錢塘縣志在棲霞嶺後

湖山便覽在劔門關西北嶺下明萬厯中築墓者偶鑿得之泉甘而白甲於諸山取汲者爭喧如市其旁有白沙庵
今其泉鑿方池贊以石廣不盈丈泉脈從土中湧出細流盈池而後瀉出山下大旱時城中若飲悉汲此以供汲者數十輩以先到者先汲大

金鼓洞志卷三

三

都午前則城中人遞汲下午達夜則各寺蓋飯僧汲歸貯缸中入城收供盛以飯擔分售茗肆泉之供給不下數百擔而未嘗竭也泉在嶺路之東三十年來泉旁蓋亭以憩汲者

泉旁有林嗣環墓錢塘縣志嗣環號鐵崖泉州人順治己丑進士授廣西海南副使攝學政愛養士子後削秩歸慕武林山水僑居湖上與曹秋岳王西樵倡和卒葬西湖白沙泉

按西湖有兩白沙泉一在靈隱寺西一在棲霞嶺北此但言白沙泉不能定其確在此處

姑附備考

游白沙泉至無門洞同茂三次寅詩

吳農祥 農伯

湖背清泉嶺路遙白沙泉湧異昏朝朝時似乳
還成霧昏後流膏亦帶潮丹液琮琤聞外靜紫
華璀璨望中消轆轤爭罷天河轉答簪攜遲地
軸搖榆柳漫山圍古樹芝蘭巾徑產靈苗飲餘
多覺形骸換汲盡眞憐肺腑焦野鴛魚鱗翻石
壁舊祠鴟尾插雲霄滴成星渚驚澎湃散入溪
田愛寂寥午過狂吹風片大晴空忽作雨絲飄
品龍湫記斗杓

金鼓洞志卷三

五

衣襟濺處珠林破杖屨探時玉葉凋暗竇久無
鳥鵲集澄潭應有鬼神朝便宜卜築岩阿裏同
按詩有轆轤爭罷天河轉之句知康熙時白
沙泉用轆轤汲引不似今時平池中鑿小槽
只須瓢勺從槽中汲取也

白沙泉詩

吳焯 尺鳧

纔度棲霞峽來尋白乳泉雲生石鏡裏山斷玉
潭邊留客賞秋月爲琴彈水仙老僧頻汲取松
下剩寒煙

白沙泉上賦贈淨上人詩

黃

琛

西清

我本山中人自識本來面爲汲白沙泉形影復
相見老鶴剩長身大目如爍電閒心參幻妄彈
指境萬變乃語林下僧結習應陶鍊天風過香
林飛花亂紅霰方池雲氣浮石竇聲濺濺色相
匪常住虛空不流轉聆此微妙音欲滌寫經硯
爲孫介夫述白沙泉之勝

王

典

備五

君問白沙泉去湖三四里我常坐其上徐待月
明起淵渟不安流澄澈無與比城西十萬家共
飲此泉水餘溢溉稻田千畝皆藉此是山饒勝

金鼓洞志卷三

三

跡幽怪頗足喜啼鳥多異聲野麋時至止君如
能並游請期寒食裏

同諸公游白沙泉詩

王

昶

蘭泉

倚棹信所如彌眷烟波渺漸看旃檀林遠出青
松杪精舍本莊嚴修廊互窅窈老僧進茗飲色
味勝良醪云此是法乳論品諸山少純粹謝凜
冽甘和洗煩惱涓流不在多一縷貫昏曉持此
供法筵頗足香廚保今春

翠華來

乾隆

庚子林泉

豈愛寶玉芽穀雨前先茁藉幽討上方進

御筵不作龍團造其妙逾幽芸其芬冠香草活火

淪茲泉洵足稱兩好聞言腋生風心神洞入表
自愧本老饕從茲豁醉飽

游白沙泉詩

施學韓

我志在流水山上掬寒泉入口覺甜美不須風
爐煎居民就泉汲穉幼無不前擔入城市去手
握青蚨旋懿茲一勺水食利何其偏世無濟人
術千古孰汝賢

由白沙泉至金鼓洞詩

查初揆

輕寒樹杪來泉聲人不覺蕭然微雨至池上下
寒雀冰雹走炎天江河歸一握黃冠頗習靜見

金鼓洞志卷三

毛

客頻引卻我非襍職人自愛溽暑鏢

僧禪一

方池澄一勺名與虎跑齊此水惜遲出未經坡
老題

無門洞今呼黃龍洞

舊名天龍洞

錢塘縣志黃龍洞一名無門洞又名天龍洞

按無門洞之誤作黃龍洞自錢塘縣志始

西湖志黃龍洞一名無門洞名勝志在棲霞嶺
後宋淳祐閒有僧慧開字無門說法吳興之黃
龍山後棲定保寧寺偶卓錫於此有石谿猗不

合如礪忽然出泉色紺而冽澄若重淵人以爲龍隨錫至故名黃龍洞

按西湖志沿龔錢塘縣志之譌亦以無門洞爲黃龍洞也有石谿衍不合云云是黃龍洞語誤併爲一今錄其原文而辨其誤

湖山便覽天龍洞武林舊事云天龍洞道者無門所開無門卽慧開之字宋嘉定五年慧開結菴於此爲退休之所嗣秀王師彌捐金增廣之參政樓鑰書天龍二大字洞上有巨石插空高約二丈餘開諱己形矮劣命工肖爲巨像背緣

金鼓洞志卷三

三

光燄前施几案皆就石勢鑄成且私祝曰願後有身等此旣化去錢塘孫氏產男子偉相非凡及長出家號中峯和尚時遂相傳爲慧開後身事詳六研齋筆記及名勝志今呼此菴曰積翠菴洞曰無門洞

按前志多誤并黃龍洞天龍洞爲一今據臨安志武林舊事分列

無門洞在白沙泉東北洞中鑿石爲黃龍祖師像祇半身周護以雲燄其石高二丈餘洞中天成非從人力移置祖師法相似一壯年眉目疎

朗無鬚髯像立洞中洞圓如大笠覆冒乾隆二十二年二十七年三十年四十五四十九年歷次恭遇

高宗純皇帝南巡駐蹕

賜題詩額

恭載卷首

御書恭摹就祖師像肩背雲嵌空處分布鐫勒

按棲霞嶺後有五洞棲霞紫雲金鼓蝙蝠無門是也西湖游覽志惟稱金鼓洞昔人伐石其閒聞金鼓聲乃止而不言何時伐石据玉牒初草嘉定中詔臨安府北山劔門嶺毋得伐石慮洩山川之氣知伐石事在宋嘉定時可知嶺北五洞皆因伐石而成不獨金鼓爲然也

金鼓洞志卷三

完

西湖放生事竣雨中游無門洞分得玉宇詩

同流泛慈航咨此生祝縱鱗悉還淵放翼仍棲谷豈伊曠山行不遣懷水病衝泥入冥烟乘興匪由速到門桑竹清捫洞翠黛觸青雲起瑤島鑿冰屑寒玉飛壁像飄雲巍然瞻丈六突兀霄漢閒敷澤想靈沃地舒寶勝光林奏陵迎曲

感茲出世因何願不酬復朔飢長莫辭鳧悲短
莫續不忍蹢躅羞甘受輪迴辱誓宏般若力共
接西方躅

游黃龍洞同毛稚黃弟祖定作 張

丹

網孫

側徑緣山轉疎籬逼澗澄汗流超石級色冷嚼
潭冰密竹青無數危松翠幾層日陰簷上雪雲
網檻邊藤絕壑窺龍臥飛岩見佛凭偶同二妙
賞興發自相乘

按題稱黃龍洞實無門洞也自有錢塘縣志
之誤而詩家皆相沿襲後凡題黃龍洞者皆

《金鼓洞志卷三

三

仿此不復更正云

黃龍洞詩

石 鈞

斷澗忽無聲入門氣清古苔壁滴幽泉萬點珍
珠雨蒼藤走奇狀恍若虬龍舞古洞鑿石佛天
然青蓮宇趺坐萬緣空余情亦何取

魏成憲

苔壁樹幽幽纏以壽藤古微風乍飛英清香潑
茶乳入山萬緣空斗藪證初祖爲參不二門誰
是林泉主

岳 振

峭壁嶙峋挂薜蘿泉聲隱隱閒樵歌危闌斜壓
穿堦竹廢沼枯留折柄荷幾曲荒途盤洞宇一
層圓笠蓋頭陀當年卓錫遺踪在曾否黃龍此
地過

倪稻孫 米樓

無門不二門丈六金身留試觀洞門外藤根足
千秋支空爲略約導我池心游游魚倘化龍池
卽大龍湫

釋印方

精藍隱叢薄入塢愜幽尋斜日烟霏亂滿池藤

金鼓洞志卷三

三

作陰到來忘世慮坐久動清吟欲去重回首微
風灑暮林

釋禪一

丈六身鑄石無門卻有門感通寂然旨道屈帝
王尊

黃龍洞本名護國仁王院洞

又名黃龍潭

咸淳臨安志護國仁王院洞在掃帚塢有泉出
洞中淳祐七年旱禱而雨
湖山勝槩記由玉泉路轉東山至棲霞嶺上有
紫雲洞嶺之北有黃龍潭

湖山便覽黃龍洞在掃帚塢游覽志自護國仁王寺斗折而上有洞深杳莫測水泉紺凜旱不竭而潦不盈故老相傳曩昔夏雨初霽時常有神物蜿蜒臥松上其氣茆茆然而黃蓋黃龍也故號黃龍洞名勝志云宋淳祐閒僧慧開說法隆興之黃龍山後卓錫於此有石谿窅不合如礪忽雷聲震地劃然出泉色紺而冽澄若重淵人以爲龍隨錫至因名黃龍洞二說未知孰是杭州府志按潛志但謂之護國仁王院洞故吳自牧云不載其名據周文璞詩則黃龍之名已

金鼓洞志卷三

三

稱於宋矣武林舊事有天龍洞云道者無門所居天龍二大字宋樓鑰書以贈慧開不知當時何以亦名爲洞今黃龍洞去慧開所斲石像半里餘或謂山林大勢總爲一名分言之當別爲二嶺上石穴出泉者乃黃龍洞卽潛志云護國仁王院洞像下低坳處別有小洞今已築塞而跡尙存爲無門洞卽武林舊事所云天龍洞也此說近是附以備考

按杭州府志末段所載或謂云云實臆說也無門洞卽天龍洞無門者慧開之字天龍者

樓鑰書贈慧開之二字黃龍則慧開說法隆興之山名無門洞爲慧開所居當居此洞時洞尙無名自有樓鑰之書因卽以天龍名之豈有慧開以己之字自名其所居之洞乎其名無門者必是慧開既化後人以其字名之耳無門洞頗寬敞慧開以己像鑄石卓立洞中乃不以此洞名之爲無門爲天龍而反別尋像下低均之小洞加以無門天龍之名有是理乎若據此說則慧開鑄像之洞又何名乎黃龍洞初名護國仁王院洞護國仁王院

金鼓洞志卷三

三

乃淳祐五年所建其時洞亦無名卽以院名名之其後亦以慧開說法舊山之名名之非慧開所自名府志旣知無門距黃龍半里顯然二洞而又以總名分言之說強爲牽合置慧開鑄像之鉅洞歸於無名誤孰甚焉倘後人再仍其說是無門洞旣有錢塘志之誤又增一杭州府志之誤矣訛以傳訛伊於胡底是不可以不辨

又按黃龍洞又名黃龍潭似係音近而異然游覽志謂常有神物蜿蜒臥松上其說亦非

無因蓋潭爲蛟龍所居蛟龍卽神物之尤也
蛟龍能興雲雨存齋詩話載錢思復西湖竹
枝曲云阿姊住在段家橋山妬娥眉柳妬腰
黃龍洞前黑雲起早回家去怕風潮據此詩
知當時洞中興雲作雨常著神怪名以黃龍
或因此不盡由慧開得名也存此備考

黃龍洞在護國寺之東藏於山坳進徑險窄一
線沿緣夏秋草莽叢積人跡不到嘉慶乙丑歲
暮予與金鼓洞朱肇基鍊師偕尋此洞詢之樵
者云但知有老虎洞不知所謂黃龍也因舉手

金鼓洞志卷三

雷

向東指余輩從所指尋其處洞門外軒豁而內
深邃積水如黛湛定不流俯窺見底從外約略
深不過尺許不能知其內之深淺也有土人後
至與之語云乾隆乙巳年大旱嘗車戽此水溉
田附近者賴以有秋晴久則村人亦來汲飲然
崎嶇難行多阻而不前可知此洞之資於灌汲
數百年不衰矣洞門外左壁摩崖正書居中一
行云靈濟侯黃龍王位旁題云口寅十年中秋
屠子芳刻寅上朔一字又非年號余考自宋淳
祐五年建護國仁王院以後迄於明末惟元順

帝至正十年爲庚寅歲則黃龍王之位當刻于是年此必因龍祠旣圯山人不廢龍神之祀刻此位以代龍神栗主也

靈濟侯卽淳祐所封黃龍神爵號詳見後卷

右壁高處有正書題名一段漫漶不能讀朱煉師眼明諦視之云金陵口口吳琳霄北李竿桐川薛可知同游時淳祐壬子孟夏壬子爲淳祐十二年龍祠建於淳祐八年則此來游者正當新建龍祠之時矣此下隱隱尙有題名一段不能辨矣此洞壘翳荆棘中久無人披榛而至者余憶弱冠之年嘗獨游信步至此題字諦觀一

金鼓洞志卷三

三

過至今垂五十年因修道院志追想及之始得詳考而錄于此名山靈蹟顯晦有時豈偶然哉

黃龍洞詩

周文璞

一自負圖與負舟天公閼之居靈湫重瞳駢手久不作蒼苔古木雨漠漠朝來石磴鱗鱗濕如覺蜿蜒爲人出甘霖未甦焦卷多相候吳雲莫相失

遊黃龍洞和壁閒韻詩

明 虞淳熙 允文

手揮珊瑚鞭驅龍馭雲車三十六天外謁帝餐雲芽鷺鳥化鳴鳩伏鼠成白鴉前塵杳無跡不

必常嗟呀春風武陵源餘香散蜂衙劉阮亦何
有玉棺閉金沙

按此詩惟首二句內有驅龍字與題中黃龍
稍有關合此下泛言游仙之語與題無涉不
似游棲霞嶺北之黃龍洞然詩爲湖山便覽
所採不宜輕棄姑存以備考

六夢巖

湖山便覽明虞淳熙題并記其略云北山有黃
龍洞未經游先游具六夢夢非一時事皆一境
癸巳三月眞游洞陟級翻同夢游睇洞外物都

金鼓洞志卷三

三

不殊意便題嚙語石上

六夢岩詩

虞淳熙

三生勞六夢此日更追尋石有聽經意雲無出
岫心黃光空茆茆紫氣忽沈沈客是老龍否重
來應作霖

尋六夢岩用明人題石詩韻

倪稻孫

影事誰分別空岩獨我尋蝶飛花礙眼龍憩佛
安心巨石林中瘦浮雲雨後沈寄言高臥者何
日更爲霖

掃帚塢

成化杭州府志在棲霞嶺

西湖游覽志在翊忠祠後

錢塘縣志在嶺坳東舊有黃山橋今廢

按翊忠祠在棲霞嶺之陽掃帚塢在嶺之陰

游覽志誤也黃山橋跨嶺北大道咸淳臨安

志所載如護國仁王寺天龍菴永安院長慶

院黃龍祠諸遺址皆在掃帚塢則塢之在嶺

北而非翊忠祠後益可信矣

黃山橋 王家橋

杭州府志云黃山橋武林舊事列精進院掃帚

金鼓洞志卷三

三

塢間

咸淳臨安志王家橋在本府試院前

萬厯杭州府志王家橋在錢塘門外宋試院前

按杭州府志有黃山橋無王家橋西湖志有

王家橋無黃山橋据成化杭州府志宋貢院

在錢塘門外王家橋試一郡之士謂之方外

貢士此卽咸淳志所謂本府試院前也咸淳

臨安志西觀音山在錢塘門外王家橋試院

後山是也皆指王家橋非黃山橋咸淳志又

載湧泉在霍山清心院前山坡上流出張真

君廟前折入黃山橋小河是黃山橋不在試
院前矣成化志云掃帚塢在棲霞嶺錢塘縣
志云舊有黃山橋今廢是黃山橋已無考矣
今護國寺前大路東小橋不通舟楫人皆呼
爲黃山橋而別無王家橋頗疑今之黃山橋
正卽王家橋也然不能臆定姑兩存以備考
又按杭州府志履泰鄉有胭脂掃帚青芝等
里自胭脂嶺至青枝塢皆履泰境詳玩其文
掃帚夾入胭脂青枝之間似係偶與塢名相
同非卽棲霞嶺北之掃帚塢也

金鼓洞志卷三

三


又按錢塘縣志載棲霞嶺古蹟有六夢岩黃
龍潭堆雲塢磐石峯文魚池懶雲窩松風閣
龍憩堂今堆雲塢磐石峯文魚池松風閣皆
不能指其處矣


鶴林道院圖

金鼓洞志卷四 圖說

一

鶴林道院圖





南自栖霞嶺來路

城垣

北出栖霞嶺與松場大路合

金鼓洞志卷四 圖說

二

鶴林道院圖說

鶴林道院由棲霞嶺北大道向西別贅石路迤
 遲數百武卽至山門門東向入內至斗姥閣東
 北向道院前後屋宇山門三間入內西南向呂
 祖像及仙蹟合一碑建碑亭三間對面恭建

御製碑亭尊藏

御製詩碑祖像碑亭之右一門進內東北向雲水閣三
 間倚檻則郊原在望胸次曠然中供呂祖像爲
 客至談讌之所閣之後爲玉皇閣兩閣前後相
 接處有夾衙出衙門由小徑下達懶雲窩上通

茅蓬自碑亭中間正對金鼓洞門入門爲斗姥閣三間道院之正屋也閣前左右廂樓各二間洞門之左厯坡而上爲文昌閣三間斗姥閣後爲金鼓洞旁爲金果泉登爲池不乾不溢合院茗飲烹飪皆賴之泉上石壁有摩崖詩刻崖之巔有亭爲觀音巖洞左一帶爲齋廚廚後倚崖有耳房二處在後者接廚在前者接文昌閣此道院屋宇之大凡也

金鼓洞志卷四

圖說

三

金鼓洞志卷四

仁和朱文藻朗齋纂輯

住山張復純健修募刊

院宇

道院之有屋宇初於周真人擴於蔡鍊師厥後累年續有增新蓋非一朝夕所能幾矣院宇規模已詳圖說茲更縷晰分疏瞭然易覽而詩文所繫亦備載焉異日增修志乘或可供採擇云

道院坐落

鶴林道院坐落杭州府錢塘縣下扇二畝棲霞

金鼓洞志卷四

一

嶺後山

道院新贅大路

舊惟樵逕一綫廣不盈尺旁皆蔓草風雨雪霜星霾月晦行者有失墜之懼嘉慶三年冬住山趙來洲募贅石路護法樂助興工未及半張復純繼募完工

趙來洲募砌石路疏 原夫闢來神境五丁施

斧鑿之功肇啟元宗六甲布龜蛇之勝紫龍背上祥光晴繞於棲霞黃鶴翎端浩氣直干於牛斗誠欲界之清都實聖湖之福地也第縈迴曲

逕高流莫測淵源嶮荒蹊過客每紆踪跡當
冰凝雪泮保無泥滑之虞而月暗星稀更有途
迷之患用是抒陳管見佈告仁人所輦石以赴
工或鳩貲而益料將見履占貞吉歌坦道於康
莊示以周行化崎嶇爲直砥設遇僧來月下不
勞杖撥閒雲從此客到巖前奚藉筇披積蘚請
書錦字同著善緣謹啟嘉慶戊午臘月

張復純曰道院石路先經退密師伯募緣樂
助者護法周君利川馮君瑞珍胡君致遠張
君良仲沈君聖昭廣勸捐助多人不及備載

金鼓洞志卷四

二

董其事者何君瞻岐初砌石路七十餘丈工
未及竣壬戌歲師伯雲游天台留住黃巖未
歸癸亥冬護法汪君新畬來山復純叩募完
工汪君復獨捐添砌一百十餘丈而工竣其
路起棲霞嶺後山大路口折而西至道院山
門止中間經雲岫庵門外爲岳廟旌功山曾
募諸岳王賢裔慨然寫立捨書故得一律鋪
石成路不致迂曲總前後及二百丈皆青潤
石板凡六年而工成經營始末不可不有以
識之也

山門

平屋一間東向額曰鶴林道院中供靈官像

御製碑亭

中奉穹碑恭鐫乾隆十六年四十五年

高宗純皇帝御製詩

恭載
卷首

金鼓洞在錢塘西湖北山棲霞嶺之北折而西
藏山坳中外蔽琳宮境甚紆僻洞之名始見於
前明田藝蘅西湖游覽志謂昔人伐石聞金鼓
聲因有是名道院之建始於

本朝康熙年鶴林之名於乾隆年至四十六年有飛

金鼓洞志卷四

三

來野鶴四字仙跡而名益著然進徑欹仄不容
車馬屋宇湫隘難設敝座是以

高宗純皇帝六度南巡

聖駕未經臨幸而

御製金鼓洞二詩亦未有

墨寶頒賜邇年來住山道士贅路加寬構屋增廣檢

閱杭州府志卷首恭載

御製詩於是擇地建亭請勒貞石以增山林寵光

臣屢

經茲土爰敬謹繕錄俾摹勒上石并述其始末

並垂久遠云

誥授光祿大夫刑部侍郎

臣

王昶恭紀

呂祖像碑亭

平屋三間西南向中一間鑒一碑刻呂祖像左一間嵌石刻飛來野鶴四大字

碑亭額題回霞二字跋霞可回乎曰可曷謂

乎霞曰元氣細縕水天凝晶蒸濡丹景而初陽含明矣曷謂乎回曰盎然飛盈韞之所存肩曉寥廓心脾渾淪而清虛無垠矣然則回乎迹者芸芸回乎精者冥冥知霞非霞而後可與觀天之根可與入妙之門何子梅齋旣摹祖師真像

金鼓洞志卷四

四

立石垂久且覆軒三楹以蔽風雨而感祖師夢示回霞之額厥旨甚深弟子王兆正不揣鄙陋而爲之跋時戊申十月上旬也錢塘弟子龐漣薰沐書錢塘弟子何肇鎬敬立雲水身白亭趙朗書額懸呂師像龕上朗今易名振盈

雲水間蹤嘉慶四年錢塘何琪書額縣呂祖像碑龕右楹

雲水閣

屋三楹東北向中奉呂祖龕左右爲游客談吟

茗飲之所龕旁篆書本刻一聯云黃鶴賣桃栽
五柳武昌遺墨現三華乾隆四十八年癸卯三
月柳浦弟子李大衛率子姪耀煜熙煌炯杰孫
祖岐全拜敬

呂祖自叙石刻拓本跋 此傳刻石濟南趵突
泉上乾隆壬辰夏余館東昌郡署修志前淄川
令秀水盛袖堂先生見貽癸巳九月十六日遊
金鼓洞壻以贈明剛道士洞中小閣懸真人像
弄此以備掌故云吳霽

右拓本乃天啟丙寅秋月濟南守樊時英書

金鼓洞志卷四

五

於來鶴亭且以上石者今裝爲挂幅懸之閣
中傳係呂祖自敘文不錄

雲水閣看雨詩

王兆正

山樓萬木杪指掌視衆壑谿陰一縷雲瞬息羃
林薄頃挾急雨來檐頭百泉落幻作飛瀑聲餘
流奔壑巒狂飈乍驅回勾雷轉相礪亂葉跳綠
珠濕翠紛騰越須臾入他山欲去勢轉卻雲罅
逗微陽前峯青濯濯

金鼓洞門題額石刻

斗姥閣前對祖像碑亭中腰磊石爲牆牆之中

爲門上有金鼓洞三字左題曰康熙再壬寅七月乾隆四十一年四月吉重修右題曰信官汪賢敬立一元道人書並正書鐫石

附載汪氏三世護法事實

吳錫麒撰汪鼎墓誌銘 汪鼎字峙中號卓庵世居歙縣高祖遷錢塘曾大父諱元臣大父諱漢公考諱賢字希聖家貧棄舉業負米四方稍有餘力贍及伯叔弟妹族屬孀孤購義地於西湖三台山置義學於山陰花涇村建感應橋於江干梵村浦事詳杭州府志義行傳由太學生

金鼓洞志卷四

六

捐職州同知鼎母有娠將娩考行南山道中遇異僧若相從者歸而鼎生有夙慧讀書通經史弱冠補邑庠弟子員屢困場屋自癸卯服闋應鄉試闈卷被薦額溢見遺遂絕意進取所居在紫陽山下分紫陽別墅之半題曰半巖廬結吟社招客把酒賦詩留連竟夕客皆不忍去生平篤門內之行又好行其德所欣助緩急交游戚族倚以畢婚嫁喪葬者不可勝數丁巳冬疾革語家人曰生者寄也死者歸也爾輩無哭稱佛號趺坐而逝子四長有穀國學生捐職州同知

加二級先是希聖公未有孫祈求於鶴林道院院中一道士以庚子三月十三日歿越三日而有穀生僉謂有穀卽道士再世云

按汪希聖爲道院護法墓誌銘未經詳敘而道院石門姓名顯然其孫有穀由祈於道院而降生且有捐砌石路之鉅績是汪氏累世之爲道院護法誠不可沒也道院之所由興全賴護法然自康熙初年以迄於今已屆百四十年眾護法厯世久遠無從記憶追敘而近年護法又皆無文字流傳所可述者惟汪

金鼓洞志卷四

七

氏誌銘謹附於此以志不朽云

玉皇閣

層樓三楹供奉玉皇爲合院道士清修課誦之所游客非至誠虔禮不得輕入楹帖一聯云閒雲野鶴任來去碧水青山自古今錢塘汪得稻

書

斗姥閣

層樓三楹樓中供奉斗母醮壇嚴潔爲道俗志心朝斗植福延生之所其下則供游客憩坐且游洞卽從後軒而進未嘗落神末伏歸林散刻

額題雲峯法界乾隆四十五年 顯親王扈

蹕到浙乘暇來游所書

額題水月清華乾隆四十年間大學士嵇璜書

時沈谷音鍊師寓無錫嵇宅書此以贈

楹帖云過嶺爲探山洞古到來獨愛道人閒大

學士高斌書窗迴乍臨松影直雲空微覺鶴身

文輕無錫顧光旭爲天一鍊師書名公贈聯則有

洞口白雲秋補屋巖頭碧澗夜鳴琴大學士費

淳題書至人丹訣調龍虎古洞天風響薛蘿吳

錫麒爲健修鍊師書手持道經注已畢心知內

金鼓洞志卷四

八

傳口不言何琪書龍向洞中銜雨出鶴從高處

破烟飛李桐書松杉近晚移茶菴巖谷初寒蓋

藥畦沈益書

文昌閣

楹帖云半嶺人烟香雪裏下方雞犬白雲中高

斌書劍氣千秋橫北斗筆花五色照西京熊正

冕書

按道院屋宇可舉者惟此餘若左右廂齋廚

耳房之類皆不具錄

茅篷

平屋三間在歸雲洞西道院所葺以備雲游道侶住歇之所屋旁有小池蓄泉不涸有蜥蜴數枚潛其中旱時取以禱雨能應

道院題詠

遊鶴林道院

長白明俊

金鼓洞中清韻長鶴林道院建山岡簷垂碧柳幽情靜松臥白雲隱意藏若果呂仙真寫祕雖非宜樹自知詳古遺七十二精舍野客閒游憩草堂按明公世襲承恩公時官鎮浙將軍

題鶴林道院

朱廷慶

閩生

金鼓洞志卷四

九

清游不憚重湖遠輒憚山行足力軟覽勝時尋葛嶺旁弔古還來岳祠畔棲霞戢戢咫尺閒中有洞壑清且閒石靈路古行跡少仙人晝臥雲當關憶昔腰腳方少年紫雲曾一從躋攀邇來奔走困塵事翠微隔斷羞顏小園二月春可憐玉蘭花發細雨邊曉寒瑟縮倦欲瞑叩門忽至人踰躑自言結廬最僻處紫雲路北泉流注古洞峪呀怪石裂在昔人聞金鼓去袖底探出剡藤紙索我詩歌作山史愧無五岳搖筆端譬彼蛙鳴在井底況有瑤華如束筍一一紀勝如

聚米盲人談星強解事塗抹定遭雷雨洗無已
試爲發短謳道人有道應點頭他時當作山中
游爲君泉石窮雕搜

乙丑閏六月二十日過鶴林道院訪健修張煉
師不遇留宿 徐潤猷

相約來過秋雨生今朝曉起喜天晴買舟直到
花神廟上岸欣然一徑行
棲霞嶺畔露猶濃石磴層層碧蘚封望見竹籬
知不遠紫雲洞外幾株松

翠竹陰森暑不知神怡卻耐好風吹到門未曙

金鼓洞志卷四

十

餐霞客度世心深禮大慈

名泉古跡且尋幽石厂茶烟一縷浮不道深山
長樂界此生修到得淹留

乙丑十月望前一日諸同人集鶴林道院賦詩

趙晉

騎蜨漢津頭乘風上酒樓今朝尋古洞一片白
雲浮石瘦泉聲遠霜清竹影修歡然已三過丹
訣欲相求

方懋潮

稚回

野鶴不再到天風吹客來道人有張雨謂我似

方回苔古石同冷雲深竹不開仙踪在何處惜
未共傳杯

徐 鉞 西澗

瑤館共攀躋烟清曠野低丹光出松杪鶴影過
湖西飯趁黃粱熟詩從翠壁題長生如可學不
復下仙梯

沈咸熙 沈樓

一徑入修竹人來古院幽寒烟籠瘦樹落葉滿
空樓野鶴今何處神仙不可求銜杯拚盡飲斜
日向遲留

金鼓洞志卷四

士

周 照 冲泉

得踐山中約樓開清景延鳴琴坐高樹落葉煮
新泉野鶴渺何處仙踪尙宛然斜陽歸路晚深
竹鎖寒烟

王 輝 菊生

竹密不藏嶺洞天怡我情空林歸野鶴落葉帶
經聲徑癖樹皆瘦山寒雲自生何從證金果此
地有泉鳴

朱其爵

閔澄波 魯儂

野鶴去不返我來尋舊踪竹陰寒古洞松色老

晴冬仙笈緡斜照詩情入遠峯今朝眞飲渌一
任笑吳儂

許友巢

道人無所住還與鶴同巢一屋是雲水小爐留
卦爻苔痕深竹裏雲影碎松梢醉月有湖隱閒
門幾度敲

釋禪一

仙人騎鶴去尙未返峯頭竹密泉聲細林深鳥
語幽廚先烹有待客自爲停留莫謂長隄遠歸
途泛一舟

金鼓洞志卷四

三

住山 張復純

古洞何年鑿吾家幾葉傳招來雲外侶都是飲
中仙清興殊無敵新詩會有緣遲遲下山去谷
鳥破輕烟

朗齋朱丈輯志山中作此以贈 趙 晉

棲霞闢靈洞中有琳宮居嘗聞鼓靈鼓聲滿由
中虛西山張水樂萬谷酣笙竽和以九耳鐘元
霜滴玉壺小娥運居巢簣響風翳如秀澹鳴洞
簫月影花扶疏樂闋手援桴一擊鏗鉤初高會
地行仙蚩尤守其廬

用東坡讀道藏句

石工駭耳走何

敢登前除道人鑿石室福地藏丹爐是一大洞

天瓢笠棲仙徒有時搥天磬

道家以叩齒爲搥天磬見雲笈七籤

有時刻桐魚高空一聲歛一室相吹噓忽來一

道人午飯尋齋廚懸崖擘窠書覓跡人影無或

云回先生游戲山之隅惟其來仙駕所以爲仙

區輯志請名流朱放乃通儒束以文鹿脯幣以

碧霞裾翁今喜涉筆博攷豈暇徐徧繙咸淳志

遺事無留餘旁搜名勝編手握記事珠一朝纂

述成編排去煩紆我先入山來盟手讀是書耳

竅忽振動聰明或起予

金鼓洞志卷四

三

同人遊鶴林道院訪張鍊師

孔傳灼

丙齋

洞自何年闢棲霞最上頭四山空翠合一徑入

林幽閣暗晴疑雨天高暑亦秋欲尋金鼓跡松

下篆烟浮

小憩仍移步崎嶇未厭煩龍湫穿洞底鴛瓦覆

雲根蘚剔摩崖句山看伐石痕懸知呵護意中

有鬼神存

已試龍團品還參玉版禪道人真絕俗我輩可

能仙畫紀峨眉嶺碑傳杓突泉流觀生逸想對

酒意茫然

勝游殊未已風雨促人歸雲撥來時路藤牽過
處衣出山斜照遠登舫夕烟霏擬待中秋月還
來訪翠微

同湯點山游鶴林道院西齋

鶴曾飛集處終古闕琅函泉響多兼竹齋厨半

借巖養生期入道採藥此攜鑱坐久藤蘿暝西

峯日已銜

過鶴林道院虛臺

瓢笠遺踪在山靈好護持榴皮徵往事雲笈滿

新詩峭壁苔封古懸崖日漏遲松風刷襟袖來

金鼓洞志卷四

四

此坐移時

巢雲鍊師王於賦詩諸名士投贈甚廣丙寅初

庚二日過鶴林院奉訪偶集二首以應

金世濂蓮渠

放情邱壑任天真戴叔倫叩齒焚香出世塵王昌齡

欲識蓬萊今便是周樸惟將雲鶴自相親李嗣

休將富貴礙高情白居易湖月林風相與清杜甫案

有黃庭樽有酒仙問何方法得長生唐求

題鶴林道院震

坤靈徒震採樵驚洞闢崇山藉以名七十二峯

閒靜室億千萬載著金聲仙人幻去非無意野
鶴重來別有情蒙象天成昭果行況傳

宸翰合歌賡

長白明忠石窗

精廬誰築傍巖阿門掩青山暗薜蘿清磬每從
雲外落野禽似向晚來多煎茶涼汲陰崖雪洗
藥香生古澗波漫道箇中無歷日碧桃飛盡覺
春過

長白強謙教齋

山行頗使思悠然游遍仙家古洞天野鶴避人

金鼓洞志卷四

七

疑已去懶雲如我覺猶眠草荒難覓燒丹竈波
冷空餘洗藥泉倚石不聞金鼓響松風竹雨雜
茶烟

藥香古澗波漫道箇中無歷日梁寅吉盡

院可迎仙號鶴林願隨長者一登臨於今寂寂

無金鼓留得清泉洗道心

過鶴林道院調折桂令

趙之琛

久閑

翠深深竹影欹斜一徑清風誤到仙家門外青

山階前白鶴洞口丹霞留過客松膠當茶欸游

人雲錦飛花幽味無涯勝覽方壺爭似浮槎

懶雲窩

社道院之左由小徑而下不數百武呂林書額
舊係僧家居住後歸漢軍旗人憩息之所乾隆
二十八年漢軍奉裁旗人散處因折屋淨盡僅
存荒基蔡鍊師購其址於乾隆五十年重建屋
三進各三楹前一進中供靈官後供功曹左手
捧冊右手握筆相傳昔從錢塘江浮水而至有
人迎歸夜夢神語欲送懶雲窩遂奉手此後其
人渡江失足墮水賴神以筆援之而起人感其
靈佑復塑金身中一進爲七寶閣上供三清四

金鼓洞志卷四

六

御閣對面供第十一代輕雲子一炳谷音沈眞
人金身塑像後一進爲報本堂凡護法在道院
啟建金籙道場者則奉長生位永供堂中住守
道糧皆院中分撥門外兩山夾溪有泉一泓境
地幽寂郡志誤云棲霞洞蓋言其地曹武平

懶雲窩題詠

懶雲窩詩

懶雲窩詩

幽幽綠玉窩境僻游踪罕道人常閉闕心與雲

俱懶竹雞清晝啼一塢晴雲滿

殘陽在檐閒空翠落如雨道人推貢高留客嘗
法乳向夜依禪關唯有雲幾縷

題寶寂寺詩題爲不出谷不謂有張世舉

野雲忙不休停雲懶出岫坐臥及經行雲英滿
衣袖持贈雖不堪還思一授受

詩合外堂爲小神農題題形泉於張錫陽

峭壁削青鐵下有泉可掬蕭蕭雲意閒似伴山
僧獨我本浩蕩人期與雲共宿

詩此書爲具一題前題本西風黃戴廷禧

緩步萬竹陰翠壁青瑤裏中涵在山泉輕烟暮

金鼓洞志卷四

七

澹沱誰參懶性禪落然雲與我吾山泉聲映
初地晝冥冥一泓淨綠水西風黃葉殘秋影淡
如此僧裹白兜羅蕭閒空翠裏

仙遊贈青巖平寄泉石詩蕭蕭雲許震元

精舍松篁深心愜殘陽勝汲泉洗石壁泉冽快
眺聽雲懶不出山此中識禪定

題雲出不出詩雲謝出岫坐用又釋印方

懶實成吾癖孤雲亦此名不隨春霧散肯傍晚
霞明閒影潭心見輕陰嶺上橫一窩容易占何
事未歸耕閒空翠裏似爾數人計買高僧客

樂隱何天風又不歸雲寄山人施學韓

看雲心自懶懶豈有過我汝不吾世情吾亦無
不可今朝來僧窩又向懶中坐竹雞竹裏啼松
鼠松下墮始知初地好位置皆帖妥吾欲駕片
雲因懶遂不果

涼風高爽惠清露潤物英華曹斯棟仙蓀

白雲住空山與僧同一懶忽被風驅出布作清
涼織

王兆正

山中有懶雲出沒忘今古時來伴幽人不去爲

金鼓洞志卷四

六

甘雨吾當謝塵勞終此擴靈府翹首問懶雲脩
然寂無語

徐鉞

茅廬結幽塢林麓勢相抱雲生只在山不肖逐
飛鳥高或懸青松低惟染霜草豈獨白雲懶泉
懶浸寒沼石懶臥如羊鶴懶隱叢篠道人更懶
散落葉曾未掃榻止共雲眠松腴腹中飽寄此
安樂窩自然顏色好
游懶雲窩調殿前歡
樂如何天風吹下懶雲窩仙人喚我和雲坐道

破南柯休將寶劍磨不待高軒過且倚藤牀臥
清閒自我煩惱由他

院產

道院勅建已垂百年四方雲侶挂瓢踵至若無
恆產則道糧不足以供眾院中舊產留遺無多
自康熙五十年置買迄今逐年續置有增無減
皆由應副護法經贖所得經翻加以常住節省
日用積貲買置亦非易事今取契券中開載田
產畝分賣主姓名坐落四至年月等項逐段詳
載以垂久遠俾後人善守而擴充之庶不虛今

金鼓洞志卷四

九

日之厚望焉

舊置交家簿載張庵竹山陸畝

柴山其叁拾貳畝零

契肆紙冊壹本

懶雲窩山拾叁畝肆分

契肆紙樓廳三進

海寧田拾叁畝叁分

又田壹畝印契壹紙見後

錢塘田捌畝

內貳畝陶陽昆置契載見後

龍井墳山壹畝壹分

一契買曹士美坐落海寧花字圩皇字等號田

地兩則共肆畝東至買主田南至許田西至沈
田北至賣主池水路透出官河康熙五十年

八月契一紙康熙五十二年十二月貼契一紙

一契買張漢英民田壹畝伍分坐落海寧花字圩皇字等號東至賣主田南至官河西至許家田北至雲庵田 康熙五十三年十二月

一契買張漢英田陸分坐落花字圩皇字等號東至褚家田南至水路透出官河西至買主田北至雲庵田 康熙五十六年二月五十六年五月貼契一紙

一契買許永思田壹畝坐落花字圩皇字等號東至賣主田南至唐處田水路透出官河西至

金鼓洞志卷四

三

張處田北至曹處地 雍正十年十二月戴初陽置雍正十二年十二月貼契一紙

一契買許永思民田壹畝捌分坐落花字圩皇字等號東至許家田南至張家地西南至唐家田內遷出伍釐作水路透出官河西至張家田北至曹家地界 雍正十一年十一月戴初陽置乾隆元年八月二年十二月貼契二紙又乾隆二十年三月許永思之子大茂貼契一紙 一契買許天擎民田伍畝叁分坐落花字圩皇字等號東至許家田南至官河西至曹田北至

行路 乾隆十六年四月

以上俱海鹽田

一契買劉耀文民田貳畝壹分坐落錢塘縣下
扇二畝王字九百二十七號東至孫家田南至
張家墳西至劉家田北至吳家地 乾隆四十
五年四月

一契買劉汝昌民田陸畝零西首田埂一條在
內坐落錢塘縣下扇二畝王字號內東至金鼓
洞田南至胡家地西至陳家田北至□家地

乾隆四十八年九月蔡天一置 王字九百念五
號田貳畝肆分

金鼓洞志卷四

三

玖厘柒毫 王字九百念六
號田貳畝陸分柒厘玖毫

以上錢塘縣田

一契買董德章土山壹拾貳畝零坐落錢塘縣

下扇二畝王字三千一百十五號東至化成庵

十四弓西至本戶山五十七弓南至高家山七

十一弓北至買主山八十七弓 乾隆三年三

月駱聖哲置乾隆八年閏四月貼契一紙

一契買高雨蒼土山壹拾壹畝零坐落錢塘縣

下扇二畝王字三千一百二十八號東至山頂

界西至賣主山界南至陳家山界北至買主山

界 乾隆五年十二月莫妙良置

一買契畢子文土山伍畝坐落錢塘縣下扇二
畝王字三千一百十六號東至買主山界西至
賣主山界南至高家山界北至董家山界 乾
隆八年閏四月貼契一紙又嘉慶九年六月貼
契一紙

一契買高惟德土山壹分坐落錢塘縣下扇四
畝王字三千一百二十五號東至得產人界闊
四弓南至賣主界直長六弓西至賣主界闊四
弓北至賣主界直長六弓 乾隆四十五年十

金鼓洞志卷四

三

月

一契買高惟德山肆畝零坐落錢塘縣下扇二
畝王字三千一百十八號東至買主山界四十
弓南至魏家山界二十三弓西至賣主山界四
十一弓北至買主山界三十四弓 乾隆六十
年七月

一契買高惟德山貳畝七分柒厘坐落錢塘縣
下扇四畝王字三千一百十八號東至買主山
界四十六弓南至賣主山界十六弓西至賣主
山界五十二弓北至董家山界十五弓 嘉慶

三年七月

一契買高惟德土山肆分貳厘坐落錢塘縣下
扇四畝王字三千一百十八號東至白蓮庵土
山爲界南至姚處山西至蕭家墳爲界北至買
主山爲界長十二弓闊七弓又長八弓闊三弓
嘉慶八年閏二月 嘉慶九年六月貼契一
紙連前共四次找絕
續置田

一契買駱朝盛民田壹畝貳分坐落錢塘縣安
吉六畝馬家圩東至賣主田南至姚處西至徐
處北至吳處 嘉慶七年十二月

金鼓洞志卷四

三

一契買駱朝盛民田捌分坐落錢塘縣安吉六
畝馬家圩東至吳宅田南至姚宅田西至徐宅
北至吳宅 嘉慶九年十一月

右田共貳畝因從前舊有戴初陽戶下仁和
主田貳畝今張復純因收租有名無實得價賣
去買此二畝抵補

一契買朱君佐民田肆畝貳分坐落錢塘縣安
吉六畝馬家圩東至吳處南至楊處西至楊處
北至關帝社 嘉慶七年十二月

一契買鄭玉富民田貳畝柒分

內有水
塲陸厘

坐落錢

塘縣定南十畝鞠字號東至王處南至鄭清祀

田西至鄭清祀田北至水蕩 嘉慶九年十二

月

一契買鄭洪育民田壹畝貳分坐落錢塘縣定

南十畝鞠字號東至社曾田南至鄭處田西至

張處田北至鄭處田 嘉慶九年十一月

右田三契內有叁畝張復惠捐置

一契買鄭廷發田壹畝坐落錢塘縣定南十畝

鞠字號東至叔處田南至叔處田西至叔處田

金鼓洞志卷四

四

北至族處 嘉慶十年十二月

一契買張芳桂征田壹畝貳分坐落錢塘縣安

吉六畝馬家圩東至楊處南至金處西至楊處

北至駱處 嘉慶十年十二月

一契買楊洪璫田貳畝肆分坐落錢塘縣安吉

六畝馬家圩東至駱處南至黃處西至行路北

至許處 嘉慶十年十二月

一契買吳正璠征田壹畝坐落錢塘縣中沙圩

東至許處南至許處西至賣主田北至駱處

嘉慶十年十月

一契買楊天恩田陸畝柒分坐落錢塘縣安吉八畝鞠字號東至金處南至湯處西至水池俞處北至金處 嘉慶十年十月

一契買湯紀華田貳畝伍分坐落錢塘縣安吉八畝鞠字號東至張處南至金玉兩處西至水池俞處北至楊處 嘉慶十一年十一月

一契買楊洪琛民田壹畝貳分坐落錢塘縣安吉六畝馬家圩東至戴徐處南至徐處西至吳駱處北至鄭處 嘉慶十一年十月

以上俱續置田

續捐田

金鼓洞志卷四

五

一契買何伯榮男成龍折田叁畝正坐落仁和縣念一都十三畝若字號東至何家界南至何家界西至邵家界北至官河

一契買何伯榮男成龍折田壹畝叁分有零坐落仁和縣念一都十三畝止字號東至官路南至東綱寺界西至官河北至沈家田界

一契買何伯榮男成龍折田壹畝伍分有零坐落仁和縣念一都十三畝若字號東至張處界南至張處界西至趙家界北至張處界

一契買何伯榮男成龍田壹畝伍厘坐落仁和縣念一都十三畝若字號東至陳家界南至濟仍庵界西至孫家界北至陳家界

一契買何伯文折田壹畝正坐落仁和縣念一都十三畝若字號東至濟仍庵界南至張處界西至張處界北至官河

一契買何武侯折田貳畝正坐落仁和縣念一都十三畝若字號東至官河南至陳家田西至何處田北至何處田

一契買王惠良折田叁畝伍分坐落仁和縣念

金鼓洞志卷四

五

一都十三畝若字號東至朱家田南至江家田西至江家田北至車頭華家田

一契買何文魁折田壹畝捌分坐落仁和縣念一都十三畝若字號東至水路通官河南至方家田西至俞家地北至魯家田

一契買陳李鐘桑地貳畝正又折田肆分坐落仁和縣念一都十三畝東至大路南至丁家蕩又地南至東房田西至東房地北至大路

一契買陳彩生折地九分伍厘正坐落仁和縣念一都十三畝若字號東至何家屋南至官河

西至朱家地北至陳家地

右田地拾契係張居士上錫捐助

拾施出路文契

立拾契本房叔祖岳君望幼文姪序倫公來序
高孫成美五房伯占玉姪孫文廣文譽六房兄
聞典成山今因同宗亮山出家金鼓洞山路崎
嶇出入艱合岳族公議捨與山地以便金鼓
常住開砌一從忠蔭庵起一從蝙蝠洞起至姚
家庵門前止一從小蝙蝠洞起至棲霞嶺大路
止凡我族後人毋得有異論云 雍正二年

金鼓洞志卷四

毛

右三契乃聖模岳鍊師

原字亮山

所留貽者

一立公助契陸聚章將外祖餘山助與金鼓洞
爲出路坐落錢塘縣下扇二畝王字號東至林
處界西至金鼓洞界南至張庵北至章家界

雍正十二年四月居閒畢子文

金鼓洞山志

張復純曰院宇之興豈偶然哉金鼓洞地僻山
深鳩工匪易歷百餘年而增榮益觀皆藉眾善
而成也善不可沒固宜詳列其姓氏焉靈官殿
雲水閣之創建功在築石礪是爲聚九張君之
善施雲水閣功有未竟雲瞻居士繼叔祖之志

而落成也越數年乃弟萬程居士復捐資勸善
改建繕修俾院中百廢具興百爾器備厥功亦
剏大矣斗閣爲希聖汪君所建閣成而量功屬役
平易道塗者爲乃孫新畬居士建呂祖殿者爲
瞻岐何君建玉皇閣者爲俊文施君希聖汪君
建山門於棲霞嶺者爲輔廷王君青上沈君畊
祿劉君敬齋錫綸兩許君觀音巖崎嶇差峩登
者咸苦其險隘而倚山築砌建巖亭以還舊蹟
者又輔廷王君所樂成也且純嘗聞天一師祖
曰茲院四壁蕭然歲多逋欠多方調護常住得
以清安者全賴聚九張君希聖汪君華乾邵君
諸善士年來食指漸繁饗餐難繼丙寅歲張君
之嗣上錫居士以仁和念一都十三晷若字號
民田捨爲院產從茲常住齋糧有藉矣純承乏
於斯亦有年所耳聞目見種種善舉悉數難終
茲第撮其大綱記之志未使後之道流咸知諸
君子樂善好施流衍無窮如此云

院規

道院奉全真派規矩綦嚴合院道侶惟知禮懺
誦經清齋習靜有周真人遺規十則備錄於此

可稱易知簡能作爲軌範矣至當家一節最爲鄭重院中事務殷繁經懺往來租賦出納經理得人則百廢具舉常住日隆倘一不得其人則日漸廢弛關係非淺院中設當家一人專主合院聽命授受之際一切開載籍簿每次交家皆有序說今節錄因由亦爲附載俾後人知所守焉

周真人遺規十則

元眞子曰昔長春演鉢堂正教規矩爲先太上說滅罪名經愆尤胥泯況居塵出塵不易在欲

金鼓洞志卷四

无

無欲實難茲者同登勝地用建瑤壇爰參三極之戒儀酌定十條爲院約惟冀後來永守勿犯

周清規

一不得自稱有德毀易神像褻瀆聖賢滅經紊戒指天地爲證盟借鬼神恐愚俗先施後悔負義忘情

一不得妄談朝廷官府求知軍國事以驗吉凶不許輕言道法及爐火黃白之說

一不得自驕自恃揚人之惡顯己之善張目吐舌評論是非擇好居室好飲食及惡詈密詛妄

撻卑幼

一不得貪嗔痴愛妒忌爭訟毀人成功不得獨行入匪人家及無故走馬乘輿

一不得廣求寶物爲人謀合私利受人敬禮強乞惡化及私化緣事以爲己利分外營謀

一不得引誘婦女進院講說戲語相偕行坐及冥室中晤言

一不得自殺及勸人殺不得畜猪羊不得食大蒜五辛定斷眾生六畜之內爲先若動念卽爲犯戒不得妄害生靈蕩潑穴蟲探巢破卵

金鼓洞志卷四

三

一不得習學外道及親外教小說傳奇閒雜等書以至輕視經藏

一勿作無益勿怠修功不得在外遊蕩不可於人前失禮當思吾身爲大道法身道在己身本無欠缺每早夕焚香誦經宜爲萬姓請願勿但爲己妄求福報

一當絕身慾滅口過割愛欲斷聲色渾憂樂黜聰明通智慧廣性心

張復純曰昔周祖從白雲觀雲游來杭爲服崑陽王律師戒行整嚴遂挂單於宗陽宮共闡三

極大戒自金鼓開堂宗風聿振曾將三極戒律
七十四則芟繁去複手定十則垂示弟子奉爲
清規尙有世守遺訓數條亟爲附述于後

一院中向定有三不留之例謂法侶弟子思欲
分住他處院觀暫辭祖林則宜勗其演正派而
布元風不强留也若雲游參訪亦修真者所當
務冀其擴眼界而結勝緣不便留也或者不耐
清閒不甘澹泊頗思還俗則心已外役決難守
靜默而進元關不應留也

一是院自周祖結林以來酌收弟子俱中年出

金鼓洞志卷四

三

家道心堅固者遞傳數世引爲遺法從不收孩
幼嗣法恐知識未定初雖約束繼必勉強甚至
侵損常住敗壞清規反多流弊不得不防微杜
漸也

一澹泊寧靜爲入道之門全真教中不茹葷辛
斷食六畜羣生之肉布衣疏食通教已然而是
院素無恆產周祖定約不得奢侈供奉今後來
道眾每日早晚食粥中飯一餐要知來處不易
此約不可渝也嘉慶十一年丙寅四月己巳朔
龍門第十四代嗣法弟子張復純謹述

雍正五年十二月交家簿敘

本山原名紫龍山金鼓洞乃張庵之山昔先師
出家訪道皈龍門正派一日雲游至此託足挂
瓢靜坐巖石之下見雲氣圍繞欲結一茅感動
山主見老禪師能有先見對大眾言曰我山中
有高士至矣眾遂同往到山拜望各說偈言禪
道投機互相欽服因許以此山讓師住焉師卽
禮謝云如來是真語者實語者答云真人是千
古也萬古也禪師卽回院師受而焚修始結一
茅後立壇庭弟子戴清源等夙植善因今投正
教蒙師指示得聞至道同心修學各悟上乘因
先師行滿飛昇源等秉遵遺訓念先師開創之
勞歷守艱辛授持十載今蒙師兄方凝陽同心
協力各立深功共修善果如終如一自有神天
護佑矣雍正五年季冬龍門正宗第十代嗣法
弟子戴清源撰

金鼓洞志卷四

三

金鼓洞常住連下院張庵世產田地山場房
屋等項開列於左

雍正五年十二月立交常住戴初陽承受常住
方凝陽

雍正七年十一月交家

住持方凝陽新增常住器皿物件等開列於後
雍正七年十一月立交常住方凝陽承授總持

戴初陽副持王聖昭

按自戴初陽受交以後不知何年交與駱一
中其閒授受年月不可考矣

乾隆三十二年十月交家

乾隆丁亥十月將本山常住交徒蔡陽善主持
交家師駱一中受交徒蔡陽善

乾隆五十四年閏五月交家

金鼓河志卷四

三

余幼年孤立有心向道早歲出家蒙師收錄教
習修持歷有年所先師託掌常住于今二十有
五年余將老矣因交師姪韓來方職掌務須遵
守成規前者創修重建悉賴汪希聖張聚九兩
先生之力亦宜存諸念慮則將來更有擴充之
望矣乾隆五十四年閏五月住山蔡陽善書

自駱老師祖交與善管理竭力維持二十五載

歷年以來略有續置田產法器器物開列於後

乾隆五十九年四月交家

昔者五十四年閒蒙師伯蔡陽善老師太將金

鼓洞常住委任^方主持已經六載因歲歉難支
是以轉任師兄趙來洲管理所有物件檢交開
列於後

乾隆五十九年四月交家韓來方

嘉慶二年七月交家

余自仔肩家務以來殫竭寸心體本羸弱不耐
繁劇是以將常住家務責任後人承受

嘉慶二年七月交家趙來洲承受總持錢復齡
協持張復純因錢復齡承受家務行不務本於
九月間出院嘉慶三年正月重交張復純承受

金鼓洞志卷四

三



